

Bond

I

Companho, tant ai agutz d'avols conres
qu'ieu non pueſc mudar no·n chan e que no·m pes:
enpero no vueill c'om sapcha mon afar de maintas res.

II

E dirai vos m'entendensa, de que es:
no m'azauta cons gardatz ni gorcs ses peis,
ni gabars de malvatz homes c'om de lor faitz non agues.

III

Senher Dieus, quez es del mon capdels e reis,
qui anc premiers gardet con, com non esteis?
c'anc no fo mestiers ni garda c'a sidons estes sordei.

IV

Pero dirai vos de con, cals es sa leis,
com sel hom que mal n'a fait e peitz n'a pres:
si com autra res en merma, qui·n pana, e cons en creis.

V

E sels qui no volran creire mos casteis
an ho vezter pres lo bosc en un deveis:
per un albre c'om hi tailla en i naison dos ho treis.

VI

E quan lo bocx es taillatz, nais plus espes,
e·l senher no·n pert son comte ni sos ses:
a revers planh hom la tala, si·l dampn[atges no·i es ges.]

VII

Tortz es c'om [planha la tala, si negun] dan no·i a g[es.]

- letto 562 volte